

Ilanngussaq 4

Allakkiaq

Suliassat Namminersornerullutik Oqartussaniit kommuninut nuunneqarnissaanni kommunillu kattussuunneqarnerisa kingunerisaannik inatsiseqarnermut tunngasut atorfeqarnermullu tunngasumik apeqqutit.

Imaasa allattorsimaffiat

1. Sulisut nuunneqarnissaat pillugu inatsisiliornerup kingunissai.
 - 1.1. Tjenestemandit.
 - 1.2. Isumaqatigiissuteqarneq naapertorlugu atorfeqartut.
2. Atorfeqartitaasup nuutitaanissaq akueraa.
3. Atorfeqartitaasup nuutitaanissaq akuerinngilaa.
 - 3.1. Tjenestemandit.
 - 3.1.1. Tjenestemandit naammaginninnissaasa killingat.
 - 3.1.2. Atorfiup "naleqquttup" naliliiviginera.
 - 3.1.3. Naliliinerup kingunera.
 - 3.2. Isumaqatigiissuteqarneq naapertorlugu atorfeqartut.
 - 3.2.1. Isumaqatigiissuteqarneq naapertorlugu atorfeqartut naammaginninnissaasa killingat.
 - 3.2.2. Atorfimmi allannguuteqartitsinerit annertunerusut kingunerat.
4. Kattuffeqarfiit suleqatigiinnermullu ataatsimiititaliat ilanngunneqarnerat.
5. Atorfinnik atorunnaarsitsinerit.
 - 5.1. Soraarninngornermi suliunnaarneq inisseqqiinerlu.
 - 5.2. Suleriaasissaq.
 - 5.3. Pingaartumik tjenestemanditut atorfinnik atorunnaarsitsinerimi.
 - 5.4. Isumaqatigiissuteqarneq naapertorlugu atorfeqartut atorfiinik atorunnaarsitsineq.
6. Tusarniaaneq.
 - 6.1. Atorfik naleqquttoq nassaarineqassaaq.
 - 6.2. Atorfik atorunnaarsinneqassaaq.
7. Atorfeqartup ineqarfigisinnaasaa.

7. 1. Atorfeqartitaasut nuunneqarnissaat pillugu inatsisiliorderup kingunissai.

Kommunini suliasaqrarfiit aqqissuuteqqinneqarnerat pillugu Inatsisartut inatsisaanni (immikkut inatsimmi) nr. 14-imi 19. november 2007-imeersumi §§ 23-mi 24-milu atorfeqartitaasut kommunimut/sulisitsisumut nutaamut nuunneqartarnissaat inatsisiliunneqarpoq.

Atorfeqartup atorfia qanoq imaqarnermigut allannguuteqanngippat, nunallu sumi inissisimanagera taamaaginnarpat, immikkut inatsimmi allassimasutut atorfillip nuunnissaa pillugu inatsisiliortoqarsimappat, atorfeqarnerq eqqarsaatigalugu taamaallaat atorfeqartitaasup atorfiata sulisitsisumut nutaamut nuunneqarnissaa pineqassaaq, imaanngitsaq atorfeqartitaasup atorfia atorunnaarsinneqassasoq.

Oqaasertaliussani tulliuuttuni inatsimmi aalajangersakkanut tunngasuni taamaallaat immikkut inatsimmiittut, taamaattorli inatsimmi aalajangersakkat taamaaqataat ilanngunneqartussat/ilanngunneqartut, innersuussutigineqassapput.

1.1. Tjenestemandit.

Tjenestemandit pillugit inatsimmi § 42-mi aallaavigineqartoq, tassalu tjenestemandip, tamanna tjenestemandip kissaatigisaanut akkerliuppat, tjenestemandip kattuffianik isumaqatigiissuteqareernikkut pineqartutut kommunimut nutaamut nuunneqarnissani aatsaat naammagissagaa. Tjenestemandilli pillugit inatsimmi § 42 inatsisitigut aalajangersakkanit atortussaatinneqanngilaq.

Immikkut inatsimmi § 23-mi nuussinissaq pillugu inatsisitigut aalajangersakkat taamaalillutik siullerpaamik kingunerissavaat tjenestemandip sulisitsisuminik paarlaanissani aallaaviatigut akuerisariaqaraa. Tamatuma kinguneranik tjenestemandip aamma sulisitsisut nikinnerat pissutigalugu akiassarsiaqartitaalluni soraarsitaanissani piunasaqaatigisinnaanngilaa.

Immikkut inatsimmi nuussinissaq pillugu inatsisitigut aalajangersakkat, soraarsitaanissamut nuunnissamullu illersorneqarnerup tjenestemandit nalinginnaasumik atugaata qasukkarneqarnissaa tullianik kingunerissavaat aqqissuusseqqinnermi allannguutini/oqartussaaffeqarfiit allanngortiternerini ersersinneqartutut. Tassa imaappoq ingerlaqqinnermi sionatigut atorfirmut naleqqiullugu atorfiup nutaap akuersaarnissaa pisussaaffiugaluartoq.

Tjenestemandit pillugit inatsimmi § 15-imi tjenestemandip atorfeqarnermi allannguutit annertunngikkaluamik naammagisussaananerannut pisussaavoq. Aaqqissuusseqqinnermi allannguutini/oqartussaaffeqarfiit allanngortiterinerini taamaalilluni tjenestemandip atorfiup naleqquttup tibunissaa aallaaviatigut pisussaaffigaa.

Immikkut inatsimmi tjenestemandip nuutinneqarnissaa nuutinneqannginnissaaluunniit pillugu inatsimmi aalajangersakkap eqqunneqarnerani assigiinngissut tjenestemandip naammagisassaanut tunngasumik inatsisitigut inissisimaneq annertuvoq.

Højesterettip aalajangiinera U.1983.88H aaqqissuussinerup allanngortinneqarnissaa pillugu inatsit tunngavigalugu tjenestemandip naammagisassaanut assersuutissami toqqaannartumik oqaatigineqarpoq "ingerlatsivinnik allanngortiterinerini annertunerusuni inatsisitigut ingerlanneqartuni tjenestemandip pisinnaatitaaffii pillugit malittarisassat atuuttut naapertorlugit isumagineqarpoq, tjenestemandit atorfeqarnermini allannguutit allaat annertoorejussuit naammaginissaannut pisussaataasut".

Aalajangiinermi aammattaaq oqaatigineqarpoq naak suliassanngortitsisup maannamut atorfia siornatigut atorfigisamit allaanerussuteqangaatsiaraluarpalluunniit tamatumani atorfik nutaaq pineqartoq, taamalu pineqartoq pitsaaqutissanik pissarsinissaminut ilaatigut periarfissaqanngitsoq, taamaalillunilu tjenestemandi i natsimmi aalajangersakkat pissutigalugit allannguutinik naammaginniinnartariaqartoq.

Tjenestemandit ukiuni aalajangersimasuni atorfinitsinneqartut atavartumik atorfeqartutulli suliarineqassapput.

Inassutigineqassaaq nuussinerup kingornagut atorfinitsitaanermut allakkat atorfilinnut erniinnarluinnaq suliarineqassasut, sulisitsisoq nutaaq/atorfimmi suliassaqarfik ilanngullugit nalunaarlugit.

1.2. Isumaqaatigiissuteqarneq naapertorlugu atorfeqartut.

Isumaqaatigiissuteqarneq naapertorlugu atorfeqartunut nuutitsinissaq pillugu inatsisitigut aalajangersakkat kingunerissavaat sulisitsisut nikkinnerat aallaavigalugu tamanna immini atorfiup annertuumik allannguuteqarneratut isigineqassanngimmat. Isumaqaatigiissuteqarneq naapertorlugu atorfeqartup tjenestemandi assigalugu atorfeqarnermi atugassarititat pingaaruteqartut isigisariaqanngitsut naammagisus-

saavai. Soorlu kimut saaffiginnittussaaneq aammalu aqutsinermi allannguutit assigiinngitsut nuutitsinerup pinngitsoorani kingunerisasai.

Inassutiginarpoq piffissap ingerlanerani atorfinittussanut atorfinitsitaanermi allakkat nutaassat allanngortiterneqarlutillu allanneqassasut, sulisitsisoq nutaaq (eqqortoq) nalunaarlugu.

2. Atorfeqartitaasup nuutitaanissaq akueraa.

Sulisitsisusami nutaami atorfiup imaaliillaannaq nuunneqarnissaanik atorfeqartitaasulluunniit akuersissuteqarnissaani atorfinitsitsinermut tunngasunik ajornartorsiuteqartillugu, tamatumani taamaallaat nuutitsineq pineqassaaq.

Atorfeqartitaq, taassuma kommunimut nutaassamut nuunneqarnissaa pillugu isumaqatigiissuteqarfigineqarsinnaappat, suliffeqarfittut kattuffimmik isumaqatiginninniartoqassanngilaq. Matumani atorfeqartitap atorfimmut nutaamut akuersinissaa pineqarpoq, tamatumalu naleqquttutut naleqqutinngitsutulluunniit isigineqarnissaanut sunniuteqassanani.

Isumaqatigiissut allaganngorlugu pissaaq.

3. Atorfeqartitaasup nuutitaanissaq akuerinngilaa.

Atorfillip atorfik nutaaq, aamma/imaluunniit suliassat nutaat il.il. imaat akueriumanngikkunigit, tamatumani sulisitsisup qaqugukkut atorfillimmik, taanna akuersiteqqaarnagu nuutitsisinnaaneranut killissarititanik apeqqut saqqummissaaq. Tassa imaappoq nuutitsineq atorfeqartitaasup "naammagisinnaasaasa killingisa" iluanniittoq.

3.1. Tjenestemandit.

Tjenestemandit Namminersornerullutik Oqartussaniit kommuninut nuutinneqarneranni tjenestemandip ukiuni pingasuni akiissarsiaqarluni soraarsinneqarnissaminik piumasaqarnissaata angunissaa pinaveersaartariaqarpoq. Taamaattumik tjenestemandip suliassaani, akissusaaffiani nunamiluunniit sumi inissisimanerani annertuumik allannguisoqannginnissaa anguniartariaqarpoq, taamaalilluni atorfik nutaaq tjenestemandip naammagisinnaasaasa iluanniilerluni. Tamatumunnga malittarisassat immikkoortumi tullermi nassuiarneqarput.

3.1.1. Tjenestemandip naammagisinnaasaasa killingat.

Tjenestemandip naammagisinnaasaasa killissaat (pitsaassuseqar-nissaq eqqarsaatigalugu) atorfimmi taassuma nuuffigisaani aggerfia-nut naleqqiullugu allannguinermiipput. Tjenestemandip manna tikillu-gu atorfiani nuutitsinermi annertuumik allannguisoqarpat tamatuma-nilu tamanna tjenestemandimut annertuumik akuliutitinneqarpat, pis-sutsit tjenestemandip atorfimmut nutaamut nuutinneqarneranut sanil-liunneqarsinnaapput. Nuutinneqarnermi tjenestemandip pensionisia-qarluni soraarsinneqarnissani piumasaqaatigisinnaassavaa.

Allannguutit ima annertutigippata atorfik atorunnaarsinneqartariaqar-luni allaat, taava tjenestemandi ukiuni pingasuni akissarsiaqarluni pensionisiaqarlunilu soraarsinneqarnissani piumasarissallugu pisin-naatitaaffeqarpoq. Atorfimmi allannguutini nuutitsinermut atorfiullu atorunnaarsinneranut sanilliunneqarsinnaasuni tjenestemandip naammagisinnaasaasa killingat qaangerneqarsimassaaq.

Tjenestemandi nuutinneqartinnagu – taanna akuersiteqqaarnagu – taamaalilluni taava atorfik tjenestemandip nuuffigisassaa naleqqut-tuunersoq naliliisoqassaaq.

3.1.2. Atorfiup "naleqquttup" naliliiviginera.

Qaqugukkut atorfiup "naleqquttuunerata" naliliiviginissaa naliliineru-voq pingaarutilik, tassani immikkoortut soorlu akissarsiat, atorfiup taaguutaa, suliat suussusiat, aqunneqarneq, nammineersinnaaner-mik piginnaasat, ilinniarsimaneq kiisalu killiffik/ataqqaassuserlu ilanngunneqassallutik.

Suliassaqarfimmi tassani inatsiseqartitaaneq annertungaatsiarpoq, aqutsisutullu atorfiit tassangaanniit aalajangiivigineqarsinnaallutik, tassa aqutsisutut pisinnaatitaaffiit annikillisinneqarnerat naammagi-neqarsinnaassalluni, kisiannili aqutsisutut pisinnaatitaaffiit namminer-sortumillu aalajangiisinnaassuseqarneq tamakkerlugit arsaarinnissu-taassanatik.

Paarlattuanilli aqutsisutut pisinnaatitaaffiit pingaaruteqarnerusut arlal-lit atorfiullu imarisasa annertusineqarnerat aammattaaq naammagi-neqarsinnaanatik, akissarsiatigut tamanna illuatungeqartinngikkaan-ni.

Atorfiup naleqquttuuneranik naliliinermi atorfiit marluk imminnut sanil-liunneqarnerisigut pisarpoq. Piumasaqaatini ataasiakkaani allann-guutini atorfiup nutaap naleqquttuunera pillugu apeqqummut kingu-neqaatissat pitsaanngitsut pitsaasullu ilanngunneqassapput. Piuma-saqaatit ataatsimoortumik nalilerneqassapput.

Allannguutissanik naliliinerup inunnut ataasiakkaanut annertuumik immikkut sunniuteqarsinnaanerani immikkoortut makkua assersuutitut ilanngunneqarput:

Akissarsiat allannguutaat – Tjenestemandip akissarsiami appartinneqarnissaat naammagisinnaangilaa.

Aqutsisutut atuuffiit – Siornatigut aqutsisoqarsimagaanni atorfimmi aqutsisoqartuassaaq.

Atorfiup taaguutaa – Nuutitsineq atorfimmi appaallatsitaanermik sunnerneqartariaqanngilaq.

Suliat suussusiat – Siunissami suliassat suut suliarineqassappat.

Aalajangiisinnaassuseqarneq – Assersuutigalugu missingersuutitut akisussaaffeqartoqarpa.

Suliffiup inissisimanagera – nunap sumiinnera malillugu allannguuteqarnissaq.

Tjenestemandip pingaartumik qullersarisatigut kimut attaveqarnermut, atorfiup qaffasissusiata inissisimanageranut tunngasut il.il. aaqqissuussinermut nutaarluinnarmut nuutinneqarnermi pinngitsooratik allannguuteqartussat naammaginiartussaassavai. Pingaarnerpaaq tassaavoq tjenestemandip pimoorullugit suliarisartagai atorfiatalu imai aqutsinissamik piginnaatitaanertigut, sulisunik allersaqarnikkut il.il. peerneqannginnissaat.

Nunap sumiinnera eqqarsaatigalugu atorfeqarfik tassaavoq Kalaallit Nunaat. Nunalli sumiinnera eqqarsaatigalugu atorfeqarfik atorfinitsitsisutut oqartussaasunit killiliivigineqarpoq. Tassa imaappoq, tjenestemandit kommunimi atorfeqartut nunap sumiinnera eqqarsaatigalugu atorfeqartitaasut, kommunip nunap sumiinnera eqqarsaatigalugu annertussusianut naapertuuttumik. Namminersornerullutik Oqartussani tjenestemandit Kalaallit Nunaat tamakkerlugu nunap sumiinnera eqqarsaatigalugu atorfeqarfigaat.

3.1.3. Naliliinerup kingunera.

Naliliinerli akerlianik ima pissappat, atorfik naleqquttutut isigineqarsinnaajunnaarluni, taava tjenestemandip pensionisiaqarluni soraarsitaanissani piunasaqaatigisinnaavaa.

Ikaarsaariarnermut ataatsimiititaliap tjenestemandit pillugit inatsimmi § 33 aamma § 15 imm. 1 napertorlugit tjenestemandi atorfimmut naleqquttumut neqeroorfigineqarsinnaanersoq misissortariaqarjaa.

Taamaattofli tjenestemandimut akissarsiatigut atorfinitsitaanikkullu atugassarititat nuutitsinermi ajorseriartinneqartariaqanngillat. Tjenestemandi isumaqatigiissuteqarfigineqarsimappat "atorfimmi naleqqutitngitsumi", atorfigisimasaminit appasinnerusumik nalunaarsorsi-

masutut suliarineqarsimasumi ingerlaannassasoq, taava tjenestemandi tamanna pillugu pensioninut tapinik pissarsissaaq nutaamik akissarsiat mannaluk tikilluguk akissarsiat nikingassutaata nalimmasaavigineratigut, tak. tjenestemandit pillugit inatsimmi § 56, imm. 1.

Taamaallaat atorfinitsitsisutut oqartussaasut nutaat atorfirmik naleqquttumik taamaattumik neqerooruteqarsinnaanngippata tjenestemandillu atorfia atorunnaarsinneqarsimappat tjenestemandip akiissarsiaqarluni soraarsinneqarnissani piumasaqaatigisinnaavaa.

3.2. Isumaqatigiissuteqarneq naapertorluguk atorfeqartut.

Atorfirmi annertuumik allannguuteqartoqartilluguk isumaqatigiissuteqarneq naapertorluguk atorfeqartoq isumaqatigiissut naapertorluguk soraarsitaanissamik ilimasaaruteqarnerup allannguuteqarneranik siumoortumik ilisimatinneqassaaq.

3.2.1. Isumaqatigiissuteqarneq naapertorluguk atorfeqartut naammaginninnissaasa killingat.

Isumaqatigiissuteqarneq naapertorluguk atorfeqartup aammattaaq atorfinitsitsinermut tunngasumik allannguutit pingaaruteqartutut isigineqarsinnaanngitsut naammagisariaqarpai. Atorfiup naleqquttuuneranik nalillineq siornatigut atorfigisimasap atorfirmut nutaamut sanilliunneqarneratigut pissaaq.

3.2.2. Atorfirmi allannguuteqartitsinerit annertunerusut kingunerat.

Isumaqatigiissuteqarneq naapertorluguk atorfeqartup atorfik nutaaq akuerinngippagu, atorfeqartup nammineq soraarniuteqarnera malilluguk soraarsitsineq pissaaq. Soraarnissamik siumut nalunaaruteqarneq tamatigut qaammatini arfinilinni atuuppoq, taamaattorli sulisut sinniisaannut tamanna sivitsorluguk atuussinnaalluni, taamaattumillu sulisut sinniisaasa sapinngisamik piaarnerpaamik nuutinneqarnissaat pingaaruteqarluni. Taamaattumik atorfeqartut sorliit isumaqatigiissuni sorlertni ilaatinneqarnerisut sapinngisamik piaarnerpaamik paasissallugit pingaaruteqarpoq, taamaalilluni ataasiakkaat soraarniuteqarnerat aalajangiusimaneqarsinnaaniassamat. Atorfeqartoq aammattaaq soraannginnermini tusarniaavigineqarnissaa pissaaq, tak. ataani imm. 6.

4. Kattuffegarfiit suleqatigiinnermullu ataatsimiititaliat ilanngunneqarnerat.

Isumaqatigiissuteqarneq naapertorlugu atorfeqartunut tjestemandinulluunniit kattuffeqarfiit sapinngisamik piaartumik ilanngunneqarnissaat assorsuaq inassutiginarpoq.

Tjestemandi atorfirmut naleqqutinngitsumut nuutinniarneqarsillutu aammalu atorfirmut nutaamut nammineq piumassutsimik nuunnissaq pineqanngippat, kattuffeqarfiup atorfeqartumut tunngassutillip ilanngunneqarnissaa piumasarineqassaaq.

Suliffimmi suleqatigiinermut ataatsimiititaliaqarpat aqutsisut suleqatigiinermut ataatsimiititaliaq tamanut atuuttumik sulisutigut ikilisaanerisinaasunik sapinngisamik piaartumik ilisimatissallugu suliassaraat. Tamatumani siunertaavoq sulisunut sinnisut soraarsitsisoqartinnagu sulisunik ikilisaanissat akuersissutigineqarsimasut piviusunnagortinnissaanni oqallinnermi ilanngutitinnissaat.

5. Atorfinnik atorunnaarsitsinerit.

Atorfeqartut suliassanut allanut nuunneqarsinnaagunangitsut soraarsitaasinnaassapput apeqqutaatinnagu qanoq sivisutigisumik atorfeqarsimanersut qanorlu atorfeqartitaasimanersut.

5.1. Soraarninngornermi suliunnaarneq inisseqqiinerlu.

Tamanut atuuttumik allannguuteqartitsinerinik pissuteqartumik soraarsitsinerit pinngitsoornissaat siunertaralugu sulisunik ikilisaanerit pisariaqartinneqartut sapinngisamik soraarninngornikkut suliunnaarsitsinikkut/inisseqqiinikkulluunniit ingerlanniarneqartariaqarput. Atorfeqartunik inisseqqiinerup nammineq piumassutsimik ingerlanniarneqassaaq.

Allannguutissatut kissaatigineqartut nammineq piumassutsimik ingerlanneqarsinnaanngippata aqutsisut akisussaaffigaat suliassaralugulu ingerlatsinerinik tamarmiusumik naliliineq tunngavigalugu atorfeqartoq inisseqqinneqartussa qoqqassallugu. Naliliinerinmi siunissami suliassat pillugit paasissutissat kiisalu suliassat tamakkua sularinis-saannut atorfeqartup piginnaaneqarfii periarfissaalu pillugit paasissutissat ilanngunneqassapput.

Inisseeqqinnerit tamaasa taamaalilluni atorfeqartup suliaminut piginnaasaasa (ilinniarsimaneq pikkoriffiillu), atorfeqartup suleqatiginis-sinnaassusiata, aalajaassusiata tamatigoortuuneratalu kiisalu suliassat atorfeqartup siunissami sulariumaagaasa akornanni sutigut naleqquttoqarnerpaanersoq misiliisoqassaaq.

Atorfeqartup inisseqqinneqarnissaanut periarfissaq soraarsitsinissaq sioqqullugu atorunnaarsimassaaq soraarsitsinerlu pissusissamisoornersoq pillugu naliliinerup ilaatut ilanngunneqassalluni.

Erseqqinnerusumik isumaqatigiissuteqarneq naapertorlugu sulinngiffeqarneq (akissarsiaqarani taamaallaallu atorfeqartup qinnuteqarne-ratigut), sulisunik ikilissaanerup piviusunngortinnissaanut ilanngunneqarsinnaassaaq, atorfiit sulinngiffeqartunik inuttallit taartaasartunit inuttalernerqanngippata.

5.2. Suleriaasissaq.

Soraarsitsinermik ingerlatsineq pisortatigoortumik suleriaatsit sulisut isumaqatigiissutaanni tjenestemandillu pillugit inatsimmi aalajangersarneqartut naapertorlugit pissaaq. Tamatuma saniatigut tusarniaa-nermut malittarisassat assigisaallu pisortat ingerlatsineranni suliassat suliarineqartarnerat pillugu inatsimmiittut soorunalimi maleruarne-qassapput.

Isumaqatigiissutini suliassaaleqineq pissutigalugu soraarsitsinermut suleriaasissamut tunngasumik immikkut malittarisassat pigineqanngillat. Isumaqatigiissuteqarneq naapertorlugu atorfeqartut taamaat-tumik suleriaarissanut siumullu ilisimatitsisarnermut malittarisassat nalinginnaasut naapertorlugit soraarsinneqassapput. Tjenestemandit soraarsinneqassapput tjenestemandit pillugit inatsimmi § 33 naaper-torlugu.

Soraarsitsinissaq pillugu oqaloqateqarnissat isumannaarneqarnis-saat pilersaarusiornissaat ingerlannissaallu atorfeqartumut eqqorne-qartumut sapinngisamik inuppalaarneq eqqarsaatigalugu ingerlanne-qassapput, tassunga ilanngullugit pineqartup tamatuma kingorna su-leqatiminut qaninnerpaanut paasissutissiinissamik kissaatigisinnaa-sai.

Sulisut sinniisaat atorfeqartup pineqartup nalunaarfigineqannginne-rani ilisimatinneqassaq, sulisullu sinniisaat oqaloqatigiinnermi peqa-taatitaajuarsinnaavoq, tamanna atorfeqartup kissaatigissappagu.

5.3. Pingaartumik tjenestemandit atorfinnik atorunnaarsitsinermi.

Tjenestemandit pillugit inatsimmi § 33, imm. 1-imi aalajangersarne-qarpoq, atorfiup atorunnaarsinnerani kattuffeqarnikkut suleriaatsimi-luunniit allannguutit pissutigalugit tjenestemandi soraarsinneqartoq, manna tikillugu akissarsiarisartakkaminik ukiuni pingasuni akissar-siaqassasoq.

Tjenestemandi atorfeqarpat, imaluunniit atorfirmik naleqquttumik allamik innersuunneqarpat, angutaaguni arnaaguniluunniit ukiuni

taakkunani tapisiaqarluni, taava tapisiaqartitaasinnaaneq annaaneqassaaq.

Tamanna aamma atuuppoq tjenestemandi 65-inik ukioqalerpat imaluunniit pensioneqartitaaffissamik pisortatigoortumik allatut atorfeqaruni.

Soraamerussutisiaqarnissaq aammattaaq anguneqarsinnaangilaq, tjenestemandi soraarsitsinerup nalaani napparsimaneq imaluunniit sulisinnaanginneq pissutigalugit atorfik, § 15, imm. 2 naapertorlugu pineqartup tigussallugu pisussaaffia tiguneqarsinnaangippat.

Ukiuni akissarsiaqartitaaffiusuni pensionisiaqarnissamut ukiut katersorneqassapput, taakkualu qaangiunneranni tjenestemandi pensionisiassanut ukiuni taakkunani pissarsiassanut ikaarsaassaaq, pineqartoq ukiuni qulini pensionisiaqartussatut ukioqarpat, imaluunniit piffissap ingerlanerani pensionisiaqartussatut ukioqalersimaguni.

Tjenestemandit misiligummik atorfinitsinneqartut atorfiup atorunnaarsinneqarnerani akissarsiaqarnissaminut pisinnaatitaangillat. Ukiut aalajangersimasut atorfeqarnermut akissarsiat ukiut taakkua aalajangersimasut qaangiunneranni tunniunneqassapput.

Ukiuni akissarsiaqartitaaffiusuni tjenestemandi aammattaaq inissaqartitaasinnaanerminut pisinnaatitaassaaq.

Pensionisianut tunngatillugu immikkut oqaatigineqassaaq, tjenestemandi atorfiup atorunnaarsinneqarnera pissutigalugu soraarsinneqartoq ukiut akissarsiaqartitaaffiusut qaangiunneranni pensionisiaqarnissaminik piunasaqaateqarsinnaavoq, tjenestemandip ukiuni qulini pensionisiassat katersorsimappagit (ukiuni pingasuni akissarsiassat ilanngullugit naatsorsorneqassapput). Tamatuma kingunerissavaa immikkut pensionisiassat amerlassutsimikkut 500.000 kr.-init amerlanerusinnaaluartut tunniunneqassapput. Tjenestemandi ukiut qulit inorlugit pensionisiassatut ukiut katersorsimappagit (ukiullu pingasut sinnerlugit) taava taanna pensionisiaqarnissaminut, tjenestemandi 60-inik ukioqalerpat tunniunneqartussanik. Pensionisiassatut aalajangerneqartut tunniunneqarneranni immikkut pensionisiassat tunniunneqassangillat.

Tjenestemandi 9. juni 1971-imi tjenestemandit pillugit inatsit atuuttoq sioqqullugu atorfinitsinneqarsimaguni, tassunga malittarisassat utaqqiisaasumik aningaasarsianut assingusut tjenestemandimut tamanna naapertorlugu tunniunneqartussat atuutissapput.

5.4. Isumaqatigiissuteqarneq naapertorlugu atorfeqartut atorfiinik atorunnaarsitsineq.

Isumaqatigiissuteqarneq naapertorlugu atorfeqartunut akissarsiaqartitaaneq taamaangajattoq atuutinngilaq. Tamatumani atorfimmik atorunnaarsitsineq atorfeqartup soraarsinneqarnissaminik nammineq siumut nalunaarsinnaatitaaneratigut pissaaq.

Soraarsitsinermut suliassaaleqineq tunngavilersuutaassaq, qulaanilu imm. 5.1 isigineqartuaitillugu, suliassaaleqineq soraarsitsinermut tunngaviussalluni.

Isumaqatigiissutinit suliassaaleqineq pissutigalugu soraarsitsinermut periaasissat illugit immikkut malittarisassat pigineqanngillat.

Atorfeqartuq illuatungeriit tusarniaavigineqarnissaannut killiliussap qaangiunnerata kinguninnguatigut soraarsitsineq pillugu tunngavilersuutitalinnik allakkatigut nalunaarfigineqassaaq. Soraarniuteqarnermik siumut nalunaarneq nalinginnaasumik sivisunerpaamik qaammatinut arfinilinnut atuutissaaq – sulisulli sinniisaannut sivusinerusinaalluni, taamaattumillu pingaartuuvoq sulisut sinniisaasa nuutinneqarnissaat sapinngisamik piaarnerpaamik pisariaqarluni. Tamatuma kingorna sapinngisamik piaartumik atorfeqartut kikkut isumaqatigiissutini sorlorni pineqarnerisut erseqqissarneqarnissaat aalajangerneqartariaqarpoq – kiisalu atorfeqartut kikkut ukiuni qassini sulisimarnersut, taamaalilluni soraarniuteqarnerit naatsorsorneqarsinnaaniasammata.

6. Tusarniaaneq.

Inatsimmi aalajangersakkat pissutigalugut atorfeqartut eqqorneqartut taamaallaat nuutitsinissamik ilisimatinneqassapput, atorfik nuutinneqarnerup kingornagut allannguuteqassanngippat.

Atorfiit ataasiakkaat annertuumik allannguuteqartinneqartut kattuffeqarfinnut isumaqatigiinniutigineqassapput atorfeqartunik isumaqatigiissuteqarnissaq periarfissaqanngippat. Atorfik nutaaq inissinneqarpat imaluunniit atorfik atorunnaarsinnqarluni, taava atorfeqartuq isumaqatigiinniarnert qanoq inerneqarnerannik tusarniaavigineqassaaq.

6.1. Atorfik naleqquttoq nassaarineqassaaq.

Atorfik nutaaq tjenestemanditut naleqquttutut, imaluunniit isumaqatigiissutit naapertorlugit atorfeqartumut atorfeqarnermut annertuumik allannguutaanngitsutut naliliisoqarpat, atorfeqartuq suli akuersinngip-

pat pineqartoq tusarniaavigineqassaaq. Tusarniaavissatut sap. akunneri pingasut piffissaliunneqassapput.

Atorfeqartoq aalajangiinerup inernera pillugu tusarniaanermut killiliussap qaangiunnerata kinguninguatigut allakkatigut nalunaarfigineqassaaq. Aalajangiinermi atorfeqartoq ilisimatinneqassaaq soraarsitsineq atorfinitsitaqqinnissamik neqeroorutitalik pineqartoq, aammalu atorfeqartoq naleqquttumik piffissalernerqarluni nalunaaruteqarnissaminut atorfiup allannguuteqarnera akuerinerlugu, tassami atorfeqartoq taamaangippat soraarsinneqartutut isigisariaqassammat.

6.2. Atorfik atorunnaarsinneqassaaq.

Atorfeqartoq atorfiup atorunnaarsinneqarnera pissutigalugu soraarsinneqartariaqalerpat atorfeqartumut taassumalu kattuffianut tusarniaassutitut allakkat nassiunneqassapput. Tamatuma saniatigut tjenestemandit eqqarsaatigalugit tjenestemandip pensionisiassaminik piumasaqaateqarsinnaanera pillugu pensionisiaqartitsisussatut oqartussaasumit oqaaseqaat pissarsiarineqassaaq. Atorfeqartoq taassumalu kattuffia atorfiup atorunnaarsinneqarneranut tunngaviliunneqartoq pillugu oqaaseqaateqarnissamut sap. akunnerinik pingasunik piffissalernerqassapput.

7. Atorfeqartup ineqarfigisinnaasaa.

Atorfeqartoq suliffimminut atatillugu ineqarpat imaluunniit atorfimminut atavissumik ineqarmat inigisap nuunneqarnissaanik imaluunniit suliffimmut atatillugu inissiamut nutaamut atorfimmulluunniit atavissumik inissiamut nuutitsinissaq pillugu isummertoqassaaq.